

COV XOV XWM TSEEM CEEB XAV QHIA RAU NIAM TXIV

TXOJ KEV TSHAWB XYUAS COV NEEG TU ME NYUAM ZAJ KEEB KWM CALIFORNIA LUB ROOJ TSAV XWM RAU KEV PAB PEJ XEEM

California lub Rooj Tsav Xwm rau Kev Pab Pej Xeem ua hauj lwm pov hwm cov me nyuam uas tej chaw uas muaj lais xees tu me nyuam thiab tsev neeg kev tu me nyuam tom tsev tab tom tu. Peb lub hom phiaj yog kom pov hwm cov me nyuam thiab muaj kev noj qab nyob zoo hauv tej chaw tu me nyuam no. California txoj kev lig kev cai hais kom yuav tsum tshawb nrhiav cov neeg uas ua tswv tsev, nyob hauv, los sis ua hauj lwm hauv tej chaw los sis tsev tu me nyuam zaj keeb kwm. Txhua tus neeg laus no yuav tsum cia lawv siv mem dub ua cim cia txog lawv taub tes xwv kom thiaj kuaj tau lawv zaj keeb kwm seb lawv puas tau txhaum txoj kev cai li cas. Yog tias peb nrhiav pom tias ib tug neeg twg tau txhaum txoj kev cai li cas es tsis yog kev txhaum txoj kev cai tsav tsheb me me xwb, nws los yuav ua hauj lwm los sis nyob tsis tau hauv chaw los sis lub tsev tu me nyuam uas muaj lais xees no tsuas yog lub Rooj Tsav Xwm pom zoo rau nws ua li ntawd tso. Txoj kev pom zoo no hu ua ib txoj kev zam.

Ib tug neeg uas tau txhaum txoj kev cai zoo li tua neeg, yuam kom pw ua ke, ntaus neeg, nyiag neeg, txhaum tej kev cai pw ua ke los sis yuam me nyuam ua phem ua **qias yeej txais tsis tau ib txoj kev zam kev cai uas yuav cia lawv ua tswv tsev, nyob hauv los sis ua hauj lwm hauv** ib qho chaw los sis tsev tu me nyuam uas muaj lais xees. Yog tias txoj kev txhaum no yog ib yam loj (felony) los sis ib qho me (misdemeanor) loj tsawv, tus neeg ntawd yuav tau khiaj ntawm lub tsev mus thaum peb tseem tshab xyuas qhov no. Yog tias txoj kev txhaum tsis tshua loj heev, tej zaum yuav cia nws nyob hauv chaw los sis tsev tu me nyuam thaum tseem tshawb xyuas txog kev zam.

Yuav Tshab Xyuas txog Kev Zam Li Cas.

Peb thov ntaub ntaww los ntawm cov tub ceev xwm lub rooj tsav xwm, chaw FBI thiab cov tsev hais plaub uas qhia txog tus neeg zaj keeb kwm. Peb ntsuam xyuas seb tau txhaum kev cai li cas, tau txhaum kev cai ntau npaum li cas, tau txhaum kev cai thaum twg thiab seb tus neeg puas tau qhia qhov tseeb rau peb lawm.

Tus neeg uas xav tau kev zam no yuav tsum qhia txog:

- Txoj kev txhaum kev cai
- Lawv tau pauv lawv lub neej thiab ua raws li txoj kev cai li cas
- Seb lawv puas tab tom ua hauj lwm, mus kawm ntawv, los sis txais kev qhuab qhia
- Seb puas tau mus koom tej kev qhuab ntuas los sis kev txiav tshuaj phem kom tiav

Tus neeg kuj hais kom cov neeg uas paub lawv zaj keeb kwm thiab lawv lub neej zoo li cas tam sim no uas tsis txheeb ze yuav sau ntawv seb lawv yog neeg zoo li cas.

Peb ua tib zoo saib xyuas tej no thaum twg peb yuav txiav txim siab txog tej kev zam. Txoj kev cai lig choj txvv tsis pub peb qhia tej xov xwm no rau tib neeg sawv daws.

Yuav Ua Li Cas thiaj tau Xov Xwm Ntxiv

Ua niam txiv los sis tus neeg saib xyuas ib tug me nyuam hauv ib qho chaw tu me nyuam uas muaj lais xees, koj muaj cai thov qhov chaw los sis lub tsev tu me nyuam seb puas muaj leej twg uas ua hauj lwm los sis nyob hauv uas tau ib txoj kev zam. Yog tias koj thov tej xov xwm no, thiab yeej muaj ib tug neeg uas tau kev zam lawm, qhov chaw los sis lub tsev tu me nyuam yuav tsum qhia koj tus neeg ntawd lub npe thiab nws nrog lub tsev los sis qhov chaw ntawd sib raug li cas thiab yuav tsum qhia koj lub npe, chaw nyob thiab naj npawb xov tooj rau lub nroog qhov chaw ua lais xees. Koj kuj nug tau tus neeg ntawd lub npe hauv lub nroog qhov chaw ua lais xees. Koj nrhiav tau peb chaw nyob thiab naj npawb xov tooj nyob rau hauv peb qhov chaw website. Qhov website yog http://ccl.dss.cahwnet.gov/RegionalOf_1829.htm